

河南府縣志輯

中國地方志集成

乾隆優饒縣志  
民國宜陽縣志


# 中國地方志集成

河南府縣志輯 ⑥7


民  
國  
宜  
陽  
縣  
志

乾  
隆  
偃  
師  
縣  
志

上海書店 ● 巴蜀書社 ● 江蘇古籍出版社



乾隆偃師縣志



(清)

湯敏倬修  
孫星衍纂  
武億

本書三十卷、首一卷。現據乾隆五十四年  
(一七八九)刻本影印。有缺佚。

出出身中憲大夫知河南府事卓異候陞都察院文選司  
秋余奉

命出典河南郡下車時屬邑例呈志乘覽知邑之山川  
賦役風俗人物獨懼師缺如詢之則以康熙間王澤長  
志久經散佚乾隆十一年朱精志所修本又為洛水衝  
城板片蕩然迄今四十餘年矣亟思檄令修葺旋以河  
工賑務馳驅倥傯者歲餘未遑也迨南皮湯君來補是  
邑方與謀舉修復以不得測攷王志為憾 大中遂畢  
公其先世在唐時為假師人忠義公邱龐鬱然守

假師縣志 卷一

一

猶數十家丙午闕兵東都取道修謁語余云朱志荒謬  
殊甚如余家歷世祝發官者九人朱志率以已意刪之  
僅存其一其他疵漏可知方今年興政暇宜急為修葺  
遂以其事屬之異陵孫淵如太史湯君亦自民間搜求  
得王志本雖多殘缺前事畧備迺聘湘潭張慶西先生  
會邑之薦紳開館集事適太史替筆承明自都門以所  
撰地理山川陵廟諸志見寄攷據詳核得未嘗有湯君復  
和與援古証今悉心搜訂刪朱志之庸鄙補王志之簡  
陋九六閱月始成完書焉夫志者一邑之書爾非一入

一家之書也考其險隘則思所以守禦稽其登耗則思

所以撫字察其淳漓則思所以激勸而忠孝節義其  
益政治者大我朝

聖聖相承教化涵濡百餘年風俗日臻上理近如假師  
顧縣鎮民任氏九世同居復見唐壽良宋江州盛事而  
揚氏弱女子守禮禦暴至斷頭橫指以殉視封邱之投  
臺並行之斷臂其烈殆又過焉筆墨間猶凜凜有生氣  
也書曰彰善癉惡樹之風聲論語曰舉善而教不能則  
勸其權在長吏轉移最捷而志乘尤其表率余觀邑輿  
地論云地多山故民儉樸山形頑獷故民多強悍然聞  
其民有一善行經上表揚遠近傳誦為榮而婦女名挂

假師縣志 卷二

二

善乘者更跬步不踰閭閻相則傲於此知德志易與為  
善故於湯君是舉勸其採錄孝義節烈事較多於前賢  
若德之幽光準是非之公論以禮義為鼓舞柔其剛  
疾其性歸於醇和益播

聖聖二南風化之盛信乎以文治為政治也豈僅拾殘  
委棄而淹雅乎哉邑承彫劫之餘民力雖盡而氣未復  
若王明作有功悖大成裕崇形劉與卓寔清在是堯  
之斯百夜望於湯君者剖剔成書以弁其首

偃師志明嘉靖間魏志以前無可攷

國朝順治戊戌艾君元復所修曰艾志久佚康熙戊寅邑令王君澤長所修曰王志亦佚乾隆乙丑邑令朱君志所修曰朱志二十六年洛水暴漲衝城壞署板片失無存迄今四十餘年每大官蒞任例呈送無以應旋悼乙巳歲杪承乏斯土惴惴然懼文獻之將湮也請之郡伯都深劉公謀重修公急為憇憇丙午仲夏大中丞今陞兩楚制府太倉畢公閱兵東都便道至景山原謁其先祖唐忠義公墓諭亟當補修邑志表揚孝義

偃師縣志

序

節烈為人心風俗勸並斥朱志任意增減舛鄙踈漏之失而邑之薦紳咸踴躍襄事秉筆者實為毘陵孫淵如先生會先生聰捷入翰林自都中以地理山川陵廟精見寄迺延同年湘潭張君紫峴明府開屏署前新廨適王志本亦得自民間帙猶完好較朱志頗為切實而其中沿譌襲謬亦不少輒倬因思貴耳賤目譏曰庸學朱志亡論已王志其汲古淺既不能有所發明郡志又率以私意廻護古人立說必非臆見然非親履其地質証明確鮮不為耳食者所牽制而謂古人我欺不亦謬乎明當張君竝騎聯轡遍歷境內山川升高望遠準道里核

形勢浩乎有得復於深谷荒塋野燐土繡中遺人

金石文字來者燼至幾倍於前於是發史傳以下諸悉心勘訂証栢谷塢輟關杜工部墓在偃師正郡之鞏縣之誤得張延賞董晉諸碑于巖間清蕪欽融靈龜山之墓釐許遠墓前之廟証馮王寺之為北齊平等寺於職官選舉則增漢苜誦梁配及唐鄭元軌以下二十餘人為前志所缺補進士內舉憚五人及明薛蕙為朱志所刪辨漢卓茂未為緱氏令許樹邨人誤作偃唐寶年為平陵進士非偃師於流寓則退李膺前進盧植於後廟則補魯宗之王鎮惡皆援據諸書反覆詳辨論無

偃師縣志

序

踴駁至俗志體急宜正者如星野分屬一郡邑志不宜有則做武功安陽志剛之八景無關政要則遵靈壽志汰之其尤妄誕無稽之商輪臺劉文公望江臺秦王世民飲酒臺則直削之體例謹嚴斬合史傳庶乎詳簡得宜焉其金石文字載舊志藝文中者攬出加以考証新收者補載立論則譎之邑進士武君虛谷而薦紳中之端謹者以所搜訪孝義節烈陸續呈請節幾四百餘人勝諸宮牆輿論翕然我

謝百餘名

聖德神功風醇俗厚超絕前史亦於是乎可徵一



十里抵孟津縣城三十里東北至溝厝村三十里至  
 鞏縣城三十里西北至叩馬鄉二十五里抵孟津縣  
 城二十里東南至頓轅關五十五里抵登封縣城三  
 十五里西南至水泉口六十五里抵洛陽縣七十里

偃師縣志

卷首 縣城遊里表

一

縣志目錄

第一冊

卷首 叙圖

卷一 地里志上

第二冊

卷二 地里志下

卷三 山川志

第三冊

卷四 陵廟記

第四冊

偃師縣志

卷首 目錄

卷五 風土記

卷六 學校志

卷七 祀典志

卷八 賦役志

第五冊

卷九 帝紀攷

卷十 職官表

卷十一 名宦傳

第六冊

卷十二 選舉表



卷十三 名臣傳

卷十四 儒林傳

第七冊

卷十五 忠節傳

卷十六 政績傳

卷十七 文苑傳

卷十八 孝義傳

卷十九 隱逸傳

沉寓傳

第八冊

復師縣志

卷首目錄

卷二十 列女傳上

第九冊

卷二十一 列女傳下

卷二十二 仙釋傳

方技傳

第十冊

卷二十三 藝文志

第十一冊

卷二十四 藝文志

第十二冊

卷二十五 藝文志

第十三冊

卷二十六 藝文志

第十四冊

卷二十七 金石錄上

第十五冊

卷二十八 金石錄下

第十六冊


卷二十九 祥異志

卷三十 大事記


復師縣志



卷首目錄

逸事記




# 繪





偃師縣志




五




學宮圖

偃師縣志



六




圖字行山錄

偃師縣志




七



偃師縣志


二教寺院圖



八




栢谷塢圖



九

雙龍潭圖



十



縣志卷一

翰林院編修孫星衍  
偃師縣知縣湯毓倬  
同纂

地理志

屬

偃師縣周置

徐廣注史記周比亡之時九七縣河南洛陽穀城平

陰偃師鞏緄氏

古薄邑帝嚳所都字亦作亳

書序湯始居亳從先王居作帝告鄭康成注亳今河

偃師縣志

卷一 地理志上

南偃師戎安國注契父嚳都亳

竹書紀年帝嚳高辛氏元年帝即位居亳

史紀湯始居亳從先王居作帝詔司馬貞索隱詔一

作偁上云從先王居故作帝偁偁張守節正義按亳偃

師城也

水經注關駟曰亳本帝嚳之墟在禹貢豫州河洛之

間今河南偃師城西二十里尸鄉亭是也

皇甫謐帝王世紀帝嚳高辛氏三十而登帝位都

括地志亳邑故城在洛州偃師縣西七十里本帝

之墟商湯之都也凡本書已佚故見他書者開列及徵引之書並地志近有集

不復及

通典偃師帝嘗所都亦古亳邑也又云漢為縣

貞明二年葛從周碑歸葬於偃師縣亳邑鄉

舊志高辛故都在治西五里今高莊其遺址也

星衍按亳邑鄉出葛太尉碑是其葬處今太尉墓在

縣西槐廟村是即亳邑鄉古之所謂亳也其在河南

府志云縣西十里有辛寨鎮或以高辛故都得名又

在槐廟村之西南矣今偃師縣治是隋唐故城而關

駟以帝嘗墟為在城西二十里括地志又云七十里

疑七十為是十七之誤蓋自辛寨鎮已西十餘里皆

偃師縣志 卷一 地理志上

古亳邑也則張守節云即偃師城非也

湯始遷居曰般薄外丙中豷太甲沃丁太庚小甲雍也

太戊皆都之仲丁遷於歐

豷子非攻下篇湯奉桀眾以克有按脫夏字屬諸侯於薄

薦章天命通於四方而天下諸侯莫敢不賓服又云

還至于商王紂十日兩土於薄

竹書紀年帝癸十五年商侯般遷於亳成湯元年

史記湯始居亳從先王居太子太丁未立而卒於是

立太丁之弟外丙帝外丙即位二年崩之外丙之

弟中壬是為帝仲壬帝仲壬即位四年崩伊尹適立

丁之子太甲是為帝太甲稱太宗太宗崩子沃丁

立是為帝沃丁沃丁崩弟太庚立是為帝太庚帝太

庚崩子帝小甲立帝小甲崩弟雍已立是為帝雍已

帝雍已崩弟太戊立是為帝太戊帝太戊立亳有祥

桑穀共生於朝一莫大拱又云殷復興諸侯歸之故

稱中宗中宗崩子帝仲丁立帝仲丁遷於歐

班固地理志偃師尸鄉殷湯所都

鄭康成尚書注亳今河南偃師縣有湯亭

括地志河南偃師為西亳帝嘗及湯所都

偃師縣志 卷一 地理志上

孔穎達詩正義中候格予命云天乙在亳東觀在洛

若亳在梁國則居於洛東不得東觀於洛也

史記正義按亳偃師城也商邱即宋州也湯即位都

南亳後徙西亳也

星衍按亳有三一湯盟地曰北亳今考城一湯始都

曰南亳今商邱一湯遷都曰西亳今偃師出班固鄭

康成說最古而皇甫謐好為異論云如孟平之言湯

居亳與葛為鄰是即亳與葛比也湯地七十里葛又

伯耳封域有限而寧陵去偃師八百里不得童子

餉而為之耕今梁國自有二亳南亳在濮陽北亳



豈非偃師也古文仲虺之語曰葛伯仇餽征自葛  
卽孟子之情也出水經注謚之此辨是不知湯自南亳遷

於西亳兩亳皆都耳孟子之所云與葛為鄰者實是  
南亳卽謚在穀熟之言推諸書傳管子地數篇云湯

有七十里之薄荀子議兵篇云湯以薄自春秋云  
湯嘗約於鄆薄皆謂此始居之南亳與孟子同書殷

祝解或湯放桀而復薄亦言未遷之地惟墨子云屬  
諸侯於薄薦章天命通於四方者乃是西亳卽竹書

紀年云帝癸十五年商侯履遷于亳者矣蓋湯既放  
桀復于南亳乃遷于西亳以諸書証之甚明偽孔云

偃師縣志 卷一 地里志上 四

自商邱遷焉商邱卽南亳也括地志云宋州穀熟縣

西南三十五里南亳故城卽南亳湯都也宋州北五

十里大蒙城為景亳湯所盟地因景山為名河南偃

師為西亳帝嚳及湯所都盤庚亦從都之是言湯都

二亳亦甚明孔穎達又據書緯天乙在亳東觀在洛

之言以為亳在梁國則居于洛東不得東觀洛又是  
破謚之偏見矣亳當從周書作薄諸子亦多庸之惟  
孟子作亳乃後人傳寫所改亳乃京兆杜襲亭名故  
字从高省見許君說文解字及徐廣史記注其地在  
今陝西咸寧縣南自有亳王號湯為秦寧公所滅葬

扶風敵附不得以為成湯也  
盤庚復徙都之

尚書盤庚遷于殷  
書序盤庚五遷將治亳殷民咨胥怨作盤庚三篇鄭

康成注治于亳之殷地商家自徙此而改號曰殷今  
偃師是也

史記帝盤庚之時殷已都河北盤庚渡河南復居成  
湯之故居廼五遷無定處又云遂涉河南治亳

太平御覽帝王世紀帝盤庚徙都殷始改商曰殷又  
曰亳殷今偃師是也然則殷有三亳二亳在梁一亳

偃師縣志 卷一 地里志上 五

在河南穀熟為南亳湯都也蒙為北亳卽景亳湯

所盟地偃師為西亳卽盤庚所徙者

水經注湯渠水又東遷亳殷南昔盤庚所遷改號曰  
殷自此始也

括地志河南偃師為西亳盤庚亦徙都之  
元和郡縣志偃師縣至盤庚又自河北徙都于亳商

家從此改號曰殷  
星術按爾雅殷中也詩曰宅殷土芒芒古帝命武湯

正域彼四方是言土中為東成說商家自徙此而改  
號曰殷蓋謂成湯已徙於亳也